

**სსიპ “საქართველოს ეროვნული ბანკის”
სატენდერო კომისიის სხდომის
ოქმი N1**

სხდომას ესწრებოდნენ:

1. თორნიკე ებანოიძე - სატენდერო კომისიის თავმჯდომარის მოვალეობის შემსრულებელი, საქართველოს ეროვნული ბანკის შესყიდვებისა და ლოჯისტიკის დეპარტამენტის უფროსი;
2. ლევან სოფრომაძე - სატენდერო კომისიის წევრი, საქართველოს ეროვნული ბანკის საინფორმაციო ტექნოლოგიების დეპარტამენტის უფროსი;
3. ანდრია მანელაშვილი - სატენდერო კომისიის წევრი, საქართველოს ეროვნული ბანკის ფინანსებისა და ბუღალტრული აღრიცხვის დეპარტამენტის უფროსი;
4. ბექა დოჭვირი - სატენდერო კომისიის წევრი, საქართველოს ეროვნული ბანკის იურიდიული დეპარტამენტის უფროსის მოადგილე.

კომისიის სხდომას არ ესწრებოდნენ:

1. ვახტანგ ბურკიაშვილი - სატენდერო კომისიის თავმჯდომარე, საქართველოს ეროვნული ბანკის აღმასრულებელი დირექტორი, შვებულებაში ყოფნის გამო.
2. გიორგი ლალიაშვილი - სატენდერო კომისიის წევრი, საქართველოს ეროვნული ბანკის ფინანსური ბაზრების დეპარტამენტის უფროსი, შვებულებაში ყოფნის გამო

დღის წესრიგი: საქართველოს ეროვნული ბანკის მიერ ფულის ნიშნების შესაფუთი პოლიეთილენის პარკების შესყიდვის მიზნით (კლასიფიკატორის დანაყოფი: 19837000) გამოსაცხადებელი ელექტრონული ტენდერის პირობების პროექტის განხილვა და დამტკიცება.

სატენდერო კომისიის წევრებს ეცნობათ, რომ სატენდერო კომისიისა აპარატის პასუხისმგებელი თანამშრომლის მიერ განხორციელდა ბაზრის კვლევა. კვლევის საგანს წარმოადგენდა:

- შესყიდვის სავარაუდო ღირებულების დადგენა;
- მიწოდების ვადის დადგენა.

ბაზრის კვლევა ჩატარდა შემდეგი წესით:

- ა) 6 (ექვსი) პოტენციურ მიმწოდებელს ელ. ფოსტის მეშვეობით გაეგზავნა წინასწარი შეთავაზების წარმოდგენის მოთხოვნა, რომელსაც თან დაერთო შესყიდვის ობიექტის ძირითადი მახასიათებლები (ტექნიკური დავალება) და განსაფასებელი ფასების ცხრილი;
- ბ) ბაზრის კვლევის შესახებ განცხადების და თანდართული დოკუმენტაციის (ტექნიკური დავალება და ფასების ცხრილი) სახელმწიფო შესყიდვების სააგენტოს ოფიციალურ ვებ-გვერდზე (www.spa.ge), შესაბამის მოდულში განთავსების გზით.

მიღებულ იქნა 3 წინადადება. აღსანიშნავია, რომ აქედან სამი წინადადება იყო უარი ბაზრის კვლევაში მონაწილეობის შესახებ, რაც შეეხება დანარჩენ სამს, გამოიყურება შემდეგნაირად:

1. ღირებულება - 54,000.00 ლარი;
მიწოდების ვადა - 60 დღე.
2. ღირებულება - 48,000.00 ლარი;
მიწოდების ვადა - 40 დღე.
3. ღირებულება - 57,000.00 ლარი;
მიწოდების ვადა - 90 დღე.


სატენდერო კომისიამ განიხილა წარმოდგენილი შემოთავაზებები და მიზანშეწონილად მიიჩნია, რომ შესყიდვის სავარაუდო ღირებულების განსაზღვრა მოხდეს არსებულ შემოთავაზებათა შორის უმცირესი ფასის გათვალისწინებით, რაც შეადგენს 48,000.00 ლარს, ხოლო მიწოდების ვადად განისაზღვროს 90 დღე.

ყოველივე ზემოაღნიშნულის გათვალისწინებით, სატენდერო კომისიის წევრებმა განიხილეს წარმოდგენილი სატენდერო განცხადებისა და პირობების პროექტი და აღნიშნეს, რომ იგი შედგენილია „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის“ მოთხოვნათა შესაბამისად.

ყოველივე ზემოაღნიშნულიდან გამომდინარე, სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მე-6 მუხლის, მე-3 პუნქტის შესაბამისად, სატენდერო კომისიამ დაადგინა:

1. დამტკიცდეს ფულის ნიშნების შესაფუთი პოლიეთილენის პარკების შესყიდვის მიზნით გამოსაცხადებელი ელექტრონული ტენდერის სატენდერო პირობების პროექტი.
2. ტენდერის სავარაუდო ღირებულება განისაზღვროს 48 000.00 (ორმოცდარვა ათასი) ლარით, დღგ-ს ჩათვლით;
3. ფულის ნიშნების შესაფუთი პოლიეთილენის პარკების შესყიდვის მიზნით გამოცხადდეს ელექტრონული ტენდერი აუქციონის გარეშე (NAT);
4. დაევალოს სატენდერო კომისიის აპარატს, უზრუნველყოს ტენდერის ჩატარების შესახებ განცხადების და სატენდერო პირობების განთავსება სახელმწიფო შესყიდვების ერთიან ელექტრონულ სისტემაში, სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მე-6 მუხლის მე-6 პუნქტის შესაბამისად.

თორნიკე ებანოიძე



სატენდერო კომისიის თავმჯდომარე - მ.შ.
სატენდერო კომისია

ანდრია მანელაშვილი

სატენდერო კომისიის წევრი
სატენდერო კომისია

ბექა დოჭვირი

სატენდერო კომისიის წევრი
სატენდერო კომისია

ლევან სოფრომაძე

სატენდერო კომისიის წევრი
სატენდერო კომისია

ზურაბ ღონდაძე

სატენდერო კომისიის აპარატის წევრი
სატენდერო კომისია

ანა ომანაძე

სატენდერო კომისიის აპარატის წევრი
სატენდერო კომისია